



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XXI. Domine in virtute tua lætabitur Rex.

urn:nbn:de:hbz:466:1-44993

- 9 Illis crura cadentibus
Sunt curuata; dabit sistere nos Deus;
Qui nos amplificat Deus,
Qui nos vltcrius crescere prouehit.
10 IAS tu incolumem dabis
Regem; iam facilis sentit & approbat
Quas fundit populus preces,
Illum quo petimus solliciti die.

PSALMVS XXI.

Domine in virtute tua latabitur Rex.

VOTI PVBLICI INSTAVRATIO.

- 1 Ad præstantem, Psalmus Dauid.

Ode Tricolos Tetraſtrophos.

- 2 IAS tuo Rex munere præpotens
Exultat, ò quæ gaudia sospitem
3 Tentant; cupitam qui salutem
VS QVE refert duce te & petitam
4 Hunc tu beare & diuite copia
Pergis bonorum; & prouidus efficit,
Ut regnet æternum nitenti
Ille caput decoratus auro.
5 Vitas roganti largior annuis
Post sæcla, totos viuere per dies;
6 Huiusque seruari patronus
Amplificas decus atque laudem.
7 Hic prosper omni tempore permanet,
Vultusque lætus luminibus tui:
8 Nam fretus IAE rex superni
Muneribus stabilis fruetur.
9 Iam tu inuidentum victor & hostium
Præſente fundes agmina dextera:
10 Fornacis hos IASque flammis
Tempore non dubio peruret.
11 Fractumque gentis, semina & improbat
Summota terris atque hominum choris.
12 Tolles, malorumque labores
Mente tibi invalida parabat.
13 Hos tu finistros ante humerum tibi
Fallente nunquam constitues manu;
Et certus in prospecta neruos
Expedit iaculator ora.

14 IAS

24 I A S tuo te robore præpotens
Victorem & altè conspicuum dabis;
Nos ista mirati sequemur
Carminibus fidibusque gesta.

PSALMVS XXII.

Deus Deus meus respice in me.

PVBLICAE CVLPÆ EXPIATIO.

3 Ad præstantem super ceruam aurore,
Psalmus David.

Ode Dicolos Tetraſtrophos.

- 2 **O** FORTIS mihi, mi FORTIS ades mi
Cur me terribili tempore deseris?
Cur semota salus, dum rugio dolens,
A verbis profugit meis?
- 3 Totam luce Deus te voco per diem;
Respondes tamen haud tu mihi: noctibus
Appello vigil, heu nec modus additur
Clamandi, aut requies mihi.
- 4 Sed tu sanctus eras, sanctus & infides,
Atque immota tenes numina laudibus
Olim culta bonis, quas tuus Israël
Miris concinuit modis.
- 5 Tu nostris proavis spes Deus efficax,
Quos spes certa dedit viuere sospites:
- 6 Hos clamore citus dum rapis è malo,
Sperasse haud puduit viros.
- 7 Nunc sum vermis ego, non vir, & infimum
Quem ducunt homines dedecus, vt vides:
- 8 Derisor populus me labijs petit
Infans, caput & mouet.
- 9 Hic I A M in solidum vertitur, vt rota,
Euadat dubijs hoc duce casibus;
Hunc ipse eripiet, linquite, namque amat
Dilectumque fouet Deus.
- 10 Alui ast ipse tamen de latebris tener
Erupi expositus numine iam tuo:
Tu me dum genitrix vberè pasceret,
Iam spe fulcieras bona.
- 11 Dumque ipse ex vtero solueret, vnicus
Tu exceptor fueras; matris in intimis
Tu mi FORTIS eras visceribus Deus
• Mirandisque modis pater.